



სალიტერატურო და სამეცნიერო ნახატობიანი გაზეთი გამომდის ყოველ კვირას დღეს

№ 25

ი მ ნ ი ს ი 9 1896 წ.

№ 25

შინაარსი: განცხადება.—ქულ სიმონი, გ. წ—ისა.—სხვა-და-სხვა ამბები.—საყურადღებო ამბები.—ზებირ გამომცემანი. მეორე ამბავი, ზემო იმერეთში შეგრებილი და ჩაწერილი გ. წერეთლის მიერ.—* * * ლექსი (ა. პლეშჩევიდან) ვ. მაქსიმის-ძისა.—გლადიატორები, ა—სი.—ბიბლიოგრაფიული შენიშვნები ფ. მ—ისა.—ნუსხე (შემდეგი) ვ. ბარნოვისა.—სახემარო გა-სართობი.—განცხადებები.—

მათი უაღრესტოესი იმპერატორებითი უმაღლე-სობათა დიდი მთავრინა მამინა ალექსანდრეს ასუ-ლისა და დიდი მთავრის ალექსანდრე მიხეილის ძის მფარველობათა ქვეშე მყოფი ქუთაისის გუბერ-ნიის ცენტრალური კომიტეტი წყალ დიდობისაგან და დიდ თოვლობისაგან დაზარალებულთა შემწეობის აღმოსაჩენათ, ამით აცხადებს, რომ თუელი და ნიეთები დაზარალებულთა სასარგებლოთ მიიღება კომიტეტის თავმჯდომარის, ქუთაისის გუბერნიის თავდაზნაურ-თა წინამძღოლის. თ. ს. გ. წერეთლის სახელობაზე.

(3—1)



ქულ სიმონი.



მ დღეებში დებუთ მოვივიდა ამბავი, რომ ერთი სახელ განთქმული საფრანგეთის მო-ღვაწე ქულ სიმონი გადაცელილა.

ქულ სამონი იყო წარჩინებული საფრანგეთის ფილოსოფოსი და გამოჩენილი სახელმწიფო მოხელე. დაიბადა 1814 წელს ლორიანის ქალაქში. 1835




ქულ სიმონი.

წელს ფილოსოფიის პროფესორის თანაშემწეთ დანი-
შნეს ნორმალურ სკოლაში, ხოლო 1839 წელს ფი-
ლოსოფიის კუზნენის ალაგი დაიჭირა სარბონის უმა-
ღლეს სასწავლებელში. ამ დროებში იმან დაწერა
რამდენიმე ფილოსოფიური თხზულებანი, სხვათა შო-
რის შესანიშნავია მისი თხზულება „ისტორია ალექ-
სანდრიის საფილოსოფოსო სკოლისა“ (Histoire de
l'École d'Alexandrie, ორი ტომი). 1848 წ. ის ამოირ-
ჩიეს დეპუტატად, რომელიც მიეცედა ზომიერ რეს-
პუბლიკელთა პარტიას. როცა ნაპოლეონ მესამე არე-
ულობა მოახდინა და რესპუბლიკა დასცა, ჟულ სი-
მონმა უარი თქვა ფიცის მიღებაზე და ამისგან განა-
ძევეს სარბონის სკოლიდან და წაართვეს პროფესო-
რობა. ამ დროებში მან დაწერა ნაპოლეონ მესამის
წინააღმდეგ თხზულებანი: „მოვალეობა“ (Le Devoir),
„თავისუფლება“ (la Liberté) და „სინილის თეი-
სუფლება“ (la Liberté de conscience). ბოლოს იმან
გამოსცა ღრმად გულში ჩამბეჭდავი თხზულება მუშა-
ქალთა უმწეო მდგომარეობაზე, სახელათ: „მუშა დე-
დაკანნი“ (l'Ouvrières). 1869 წელს ის აირჩიეს სა-
ფრანგეთში, როგორც ნაპოლეონის წეს-წყობილების
მებრძოლი დეპუტატი, რომელმაც დიდი სახელმწიფო
ნიჭიერება გამოიჩინა მუშა-ხალხის სწავლა განათლე-
ბის დაარსებით და სახელმწიფო მეურნეობაში საუ-
კეთესო ზომების აღმოჩენით. ამ დროებში იმან და-
წერა „უფასო განათლება ხალხისა“ (l'École), „მუ-
შაობა“ (le Travail), „რადიკალური პოლიტიკა“
(la Politique radicale), სიკვდილით დასჯა (la Peine
de mort). ფრანკო-გერმანიის ომის დროს, როცა
ნაპოლეონი ტახტიდან ჩამოაგდეს, ჟულ სიმონი აღირ-
ჩიეს საფრანგეთის დამცველ მთავრობის წევრად და
განათლების მინისტრობა მიანდევს. ამ დროს მან გა-
მოსცა მოგონება 4 სექტემბრისა, იმდროისა, როცა
ნაპოლეონის დინასტია გადააყენეს და რესპუბლიკა
დაარსდა საფრანგეთში (le Souvenir du 4 septem-
bre). 1875 წელს ის ამოირჩიეს თავის სიცოცხლეში
სამუდამოთ სენატორად და ღირსი ვახდა საფრანგეთის
აკადემიის წევრობისაც. 1879 წელს აქეთ ის წინაა-
ღუდვა ფერის მიერ გამოცემული რადიკალური გა-
ნათლების კანონს და საზოგადოთ დამნაშავეთა პა-
ტიების კანონს (ამნისტიას). 1890 წელს ის იყო
საფრანგეთის წარმომადგენელთ ბერლინში რომ
მუშათა-შეწვევის კრება მოხდა, იმის ხდომებზე. მის
უკანასკნელ თხზულებათა შორის შესანიშნავია „ტიე-
რის გამგეობა“ ორი ტომი (le Gouvernement de
M. Thiers), „წიგნი პაწია მოქალაქისა“ (le Livre du
petit citoyen). ეს წიგნი პოლიტიკის სწავლის სა-
ხელ-მძღვანელოთ უნდა ჩაითვალოს. მან დაწერა აგ-
რეთვე ფილოსოფიის კუზნენის ცხოვრება, და „მე-

ოცე საუკუნის ქალები“ (la Femme du XX siècle)
და მრავალი წერილმანი თხზულებები. ჟულ-სიმონი
თავის მოღვაწეობით ირიცხება საუკეთესო საფრანგე-
თის მამულის შვილათ მეცხრამეტე საუკუნეში.

ბ. წ-ი.



სხვა-და-სხვა ამბები.



წელს თფილისის პირველ გიმნაზიაში სწავლა
დაამთავრეს სულ 37 ყმაწვილმა, ამათში
ქართველია ოთხი: იო. ავალიშვილი, ევ. ინ-
დოვეი, მიხ. კონიევი, პ. მეფისოვი. მეორე გიმნაზია-
ში სწავლა დაამთავრეს სულ 23-მა; ამათში ქართვე-
ლებია ხუთი: გ. ქართველიშვილი, ქაიხ. ყიფიანი, მ.
ფაველენოვი, მ. ჭავჭავაძე და მიხ. ნანაბაშვილი. მესამე
გიმნაზიაში სულ 14 ყმაწვილს გაუთავებია, იმათში
4 ქართველია: სამ. დიდიძე, გ. ლომაური, ნ. ხახუ-
ტაშვილი და მიხ. ერისთავი. სამივე გიმნაზიაში წელს
სწავლა დაამთავრებია 13 ქართველს.

* *

ალექსანდრეს საოსტატო ინსტიტუტში წელს
სწავლა დაასრულა სულ 19 კაცმა, ამათში 7 ქარ-
თველია: ნ. ჯომარჯიძე, რომელმაც მიიღო ვერცხ-
ლის მედალი, ა. მირიანაშვილი, ზ. ფაველენიშვილი,
ს. თულაშვილი, ა. ბაქრაძე, გ. ჭყონია და ე. თე-
დოშვილი.

* *

თფილისის კადეტის კორპუსში კურსი შესრულ-
და პირველი ხარისხით 35 ყმაწვილმა; მათში 5 ქარ-
თველია: კონ. ავალიშვილი (მიდის ნიკოლაევის კა-
ვალერიის სასწავლებელში), ვლ. მდივანი (ელიზავე-
ტოვრადის კავალერიის სასწავლებელში), ირ. მესხი-
ევი (ალექსანდროვის სასწავლებელში), მიხ. თუმა-
ნოვ. (მიხაილოვსკის არტილერიის სასწავლებელში)
და ნიკ. ფორაქოვი, რომელიც მიდის მაღალ ტენი-
კურ სასწავლებელში.

* *

თფილისის სასულიერო სემენარიაში წელს სწავ-
ლა დაამთავრებია სულ 37 კაცს, იმათში ჩვეულებ-
რივ უმეტესობას ქართველები შეადგენენ: ჯაში, ჯა-
ფარიძე, ჯოხტაბერიძე, ინგოროყვა, ქაეყარაძე, ზ.

ცხვეთაძე, ლ. ცხვეთაძე, პარასკევიშვილი, ფხალაძე, თალაკაძე, თოხაძე, ხურაშვილი, აბაშიძე, დოთაძე, დევიძე, კუბანეიშვილი, სახოკია, ხუციშვილი, ცინცაძე, ჩაგულოვი, ჩინჩალაძე, შენგელაია, შიუკაშვილი, შუბლაძე, გ. ედილოვი და ე. ედილოვი.

* *

წერა-კითხვის გამავრცელებელ საზოგადოების სასარგებლოთ ორ თიბათვეს გამართულმა ლატარიამ, ავდრის გამო მოსალოდნელი შემოსავალი არ მოიტანა. ხარჯ გარეთ დარჩა მხოლოდ ასი თუმანი; თუმცა კვლავინდელზე, მოსაგები ნივთები და ბადის ჩირაღდანი უკეთ იყო მოწყობილი. ელეა-ქუხილმა ხალხი გაჰფანტა.

რადგან ათი წელიწადი შესრულდა, რაც ყოველ წლიე კნ. ო. თ. ქაეჭავაძისა მოთავეობს ლატარიის გამართვას წერა-კითხვის გამავრცელებელ საზოგადოების სასარგებლოთ, ამიტომ ქართველ ქალეგმა ამ საღამოს მიართვეს მას შეწიერი გულის ქინძისთავი, ალბომი და ადრესი უღრმესი მადლობისა.

* *

ნ იენის, შუადღის პირველ სათზე მოხდა მკვლელობა ადგილობრივი სინოდალური კანტორის წევრის, ქვაბთა-ხევის მონასტრის წინამძღვრის არქიმ. ნიკოლოზისა (ერობაში სიმონოვი). განსვენებული იყო 58 წლის, წინეთ მსახურებდა ბლალაჩინათ დ. ბორჯომში. მკვლელია სტეფანე კალმახელიძე, 40 წლისა, პრიჩენიკი სოფ. ბერშოეთის ეკლესიისა, გორის მაზრაში. 1886 წლამდის ის იყო მღვდლათ სოფ. ახალდაბაში, გორის მაზრაში, მაგრამ სხვადასხვა დანაშაულობის და ცუდი ყოფაქცევისათვის მღვდლობა ჩამოერთვა. ხუთი დღის წინეთ ის ჩამოვიდა თფილისში შემწეობის სათხოვნელათ, რისთვისაც მან შეიტანა თხოვნა სინოდალურ კანტორაში. ამასთანავე ხშირათ მიუძმართავს ამავე თხოვნით არქ. ნიკოლოზისათვის. ნ იენის კალმახელიძე არქ. ნიკოლოზის მოლოდინში, იჯდა კანტორის კიბეზე. როდესაც არქ. ნიკოლოზი შედგა კიბეზე, მკვლელი მივიდა მასთან და შემწეობას თხოვდა რაზედაც არქ. ნიკოლოზმა უპასუხა, რომ თქვენ თხოვნას გავარჩევთ და ფულზე კი უარი უთხრა. მაშინ კალმახელიძე მივიარდა დანით არქიმანდრიტთან და დაჭრა ორ ალაკას: ერთი მარჯვენა გვერდში და მეორე მუცელში. არქ. ნიკოლოზი ერთი საათის განმავლობაში გარდაიცვალა. მკვლელი, მაშინვე დაატყვევეს.

განსვენებულ არქ. ნიკოლოზი დაჯილდოვებული იყო რამდენიმე ორდენებით. როგორც ამბობენ, სხვათა შორის, ისიც ითვლებოდა კანდიდატათ იმერეთის საეპისკოპოზო კათედრაზე.

* *

პეტერბურგის საიმპერატორო სამხატვრო აკადემიის მოწაფეს თარხნიშვილს გამოუგზავნია თავის გაკეთებული გაბრიელ ეპისკოპოსის ბიუსტი. ბიუსტი სუფთათ და კარგათ არის გამოყვანილი.

* *

ამ დღეებში რედაქციას მოუვიდა შემდეგი გამოცემანი:

- 1) **ქქოს მოყვარულები**, მოთხ. ცმოკესი, გადმოთარგ. ელენე წერეთლის მიერ, გამ. „წერა-კითხვის საზოგ.“ № 27. გვ. 65, ფ. 15 კაპ.
- 2) **ჩვენი ქვეყნის რაინდი**, მოთხრ. ეგნატე ინგაროყვასი (ნინოშვილისა), ბათომი, 1896 წ. გვ. 125, ფ. 20 კაპ.
- 3) **ცხენის წუწუქა**, მოთხრ. ჩვენი გლეხების ცხოვრებიდან კ. ხევის-უბნელისა, ივანე როსტომაშვილის გამოცემა, № 11, გვ. 49, ფ. 15 კაპ.
- 4) **მაჰმად და მისი რჯული**, დ. ზარაფაშვილისა, ივანე როსტომაშვილის გამოცემა, № 12 გვ. 32, ფ. 15 კაპ.



ბატონო რედაქტორო

წარსულ წელს ბ-ნ მარკოზ სანუბლიძემ ირკალის ფონდის სასარგებლოთ შექრბა ჩვენ შორის ფული სულ 23 მან., რომელიც მას უკლებლათ უნდა გადაეცა „ირკალის“ რედაქციაში და ხელის მომწერების სიაც უნდა გამოეცხადებია; მაგრამ მან გადასცა რედაქციას მხოლოდ 9 მან. და 60 კაპიკი. ამისთვის გოსოკთ ბ-ნ მარკოზ სანუბლიძეს დანაწიანი ფულიც 13 მან. და 40 კაპ. წარმოდგინოს რედაქციაში ირკალის ფონდის მისამატებლათ. სხვათა შორის ჩვენც ხელის მომწერნი იმ ფონდის შესადგენათ არ ვყოფილვართ გამოცხადებული და ანც ჩვენმიერ გამოდებულმი შეწირულობა ყოფილა იმ სიაში მოსხენებული. ა. ს. ნ. ყოჩაძისა, ალ. იაშვილი, ანტ. ფარსედოვი, ფ. ოსტაშვილი, გ. მდებრაძე, გ. შუაქნიშვილი, გ. ოდიშვილი, ბ. მეტრეველი, შ. ისაკაძე, ხუმაშვილი, რ. ანუთინოვი.



საკურადლებო ამბები.



წ. ქუჩი (ქუთ. მაზრა). აგერ მაისი გათავდა და ჩვენსკენ ხენა-თესვა კიდევ არ მოთავებულა; ზოგიერთ მუშა კაცს სრულებით არ უხვლია ხელი ქირანახულისათვის; მუდამ დღე წვიმს, რაც დაითესა ისიც არ ამოსულა ჯერ, ჩაღმა მიწაში და ქიანჭველების საზრდოთ გადაიქცა. ამ საზოგადოებაში მეტათ გახშირებულაა ქურდობა ცხენების და სხვა შინაური საქონლისა. სამი-ოთხი თვის განმავლობაში 12 ცხენი დაიკარგა აქ და წვრილფეხი საქონელი კიდევ სხვაა. საზოგადოებას ჰყავდა შენიშნული ჯერ-ჯერობით ერთი პირი, მცხოვრებო ამავე საზოგადოებაში, რომელიც ხელს უწყობდა ქურდობას; კიდევ დასახელეს ეს კაცი,—თუ ამას გადასცემთ დასასჯელათ მთავრობას, მაშინ სხვებიც დაშინდებიანო, გაიძახოდა უმეტესობა. საზოგადოება თანახმა გახდა ამგვარი აზრისა; შეაყენეს განაჩენი და შეუდგენ ხელის მოწერას; ამ დროს გაუჩნდა ქურდს შემწეთ ოთხი კაცი, რომლებმაც იმოდენი იუბედეს ხალხში, რომ ბოლოს ექვსასი კომლის მაგიერ განაჩენზე მოაწერეს ხელი მხოლოდ 170-მა; ამით განაჩენი ძალაში არ შევიდა და კრება დაიშალა. ხალხი მიდიოდა სახლში და გაიძახოდა: „გათეთრდა ქურდიო“. ამგვარი სოფლის „ადეოკატები“ ბევრი არიან ჩვენში, რომლებიც წყალობით თამამათ დანაწარდობენ ქურდები. შესანიშნავია ის ქურდობა, რომელიც მოხდა ს. სამტრედიის წმ. გიორგის ეკლესიაში წირვის დროს: 23 აპრილს, სამტრედიაში დღესასწაულობენ წმ. გიორგის დღეობას; ამ დღეს ეკლესია გაჭედილი იყო მლოცველებით, მაგრამ ქურდმა ამას არაუბრათ მიაქცია ყურადღება; როდესაც მნათე შევიდა საკუთხეველში სანთლების ასანთებათ, იდროვა ქურდმა და რაც სანთლის ფულები ეწყო სასანთლე მაგიდაზე ყველა აკრიფა, ჯიბეში ჩაიყარა და გაძვრა გარეთ. მაშინვე გაუგეს, მოასწრეს ეკლესიის ეზოში და ჯიბიდან ამოუღეს რამდენიმე ნაპარაფი გროშები. 20 წელიწადი სრულდება რაც აქ არსებობს ერთ-კლასიანი სამინისტრო სასწავლებელი. ბევრი არიან ჩვენში, რომლებმაც პირველ დაწყებითი სწავლა ამ სასწავლებელში მიიღეს და ამით აიხილეს თვალეები; ზოგნი ახლა სამსახურში იმყოფებიან და კარგ ჯამგარებსაც იღებენ. ამ ჟამათ ხსენებულ შკოლას მთავრობა 200 მანეთით შეეწია მღვ. წ. შანიძის და გერ. კოპალეიშვილის მეცადინეობით. აგრეთვე მადლობის ღირსნი არიან მზრუნველნი ამ სკოლისა: დავით კოპალეიშვი-

ლი, რომელმაც სასწავლებელს მიაშენა ერთი კარგი ოთახი წიგნთ-საცავისათვის, და დაუკეთა შკოლას ქურნალი „შკოლის მიმოხილვა“; ივლ. ხეთერელი, რომელმაც დაუკეთა ამ წელში სკოლას „ჯეჯილი“ და ილ. კოპალეიშვილი, რომელმაც შემოსწირა სახალხო წიგნთ-საცავისათვის ორმოცი სხვა-და-სხვა ქართული წიგნები და სხვა მხრივაც ალგეთიქვა შემწეობა.

დადა პეკანელი.

* *

გუდაუთა (სუბუმის ოლქი). მართალია, გუდაუთის მაზრა ყოველთვის ცნობილი იყო სუბუმის ოლქის ერთ მოუხსენარ კუთხეთ, მაგრამ, სამწუხაროთ, აქ არასოდეს აეკაცობა, ქურდობა, კაცის კელა და სხვა ბოროტ მოქმედებას იმ ზომამდის არ მიუხსენებია, როგორც ახლა. ქურდობა, რომელიც შეადგენს უპირველეს ხელობას აქაურ მკვიდრთა უმრავლესი ნაწილისას, დღეს ისე გაძლიერებულა, რომ ვისაც სურს თავისი ოფლით ირჩინოს თავი, ის ყოველ ღონისძიებას მოკლებულია, რადგანაც მას პირუტყვს არაოდეს არ შეარჩენენ. მაგრამ ამას ვინ ჩივის: 1893 წლიდან, აქ ისე გაძლიერდა კაცის კელა, რომ თითქმის არ გაივლის ისე დღე, რომ რომელსამე სოფელში კაცი არ მოკლან. ერთ აქაურ საზოგადოებაში (ოთარაში), ერთი წლის განმავლობაში (1895 წ.) მოუკლავთ ოცამდე კაცი; აქ ისეთი უზომო შიშია, რომ, მცხ. აგრებნი, შეღამდება თუ არა, ჩაიკე ჰავენ კ რს თავიანთ ქონებისას და მქობბელს ცეცხლი რომ წაეკიდოს ვერ ბედავენ მისაშველებლათ გამოხვლას. აქაური ძველი კაცები ამბობენ, რომ ამნაირი უბედურება აფხაზეთს ჯერ არ წვეიაო. ამ უბედურების უმთავრეს მიზეზს შეადგენს ის, რომ აქ რამდენიმე დამნაშავე კაცი მთავრობას ემალება და სოფლებში კ დაღან საევაზაკოთ; ამათ ემატებათ სხვებიც და ერთათ ესენი შეადგენენ ავაზაკთა ბრბოს, რომელიც შიშის ზარს გერას მცხოვრებლებს. მაზრის უფროსი, ბ. ჩიქოვანი, ძალიან გულმოდგინეთ მეცადინეობს აეკაცობის წინააღმდეგ, მაგრამ, სამწუხაროთ, ევრაფერს ვერ გახდა ჯერ-ჯერობით, ამ ორი კვირის წინეთ, მან ჩამოიარა მისდამო რწმუნებული მაზრა და, ყველა სოფლებში მამასახლისებათ აარჩევია მალალი წოდების პირნი, ე. ი. თავდა-ზნაურობა, იმ განზრახვით, რომ იმათი მეცადინეობით უფრო შეიძლება აეკაცობის მოსპობა. ეს აზრი ბ. ჩიქოვანისა, ჩვენი ფიქრით, არ უნდა დარჩეს სრულიათ უნაყოფოთ, რადგან აქ თავდა-ზნაურობა გავლენიანი ხალხია.

მან.

* *

ს. წყა. (შორაპნის მახრა) არა ეგონებ რომ ისეთი შევიწროებული სოფელი იყოს სადმე ქვეყანაზე უგზობობით, როგორც შევიწროებული და გაჭირვებულია სოფელი წვეა. ამ სოფლის ღარიბი გლეხები თითქმის ნახევარი წლის სარჩოს ეზადებოდნენ სესტაფონიდან და ძირულიდან. წრევეანდელმა წყალდიდობამ წვეელებს მდინარე ძირულაზე ხიდი წაართვა, სახელმწიფო გზა-ტყეცილი ზესტაფონიდან რამდენსამე ალაგას წყალმა წაახდინა და ამით ზესტაფონსა და წვეას შუა მიმოსვლა შეწყდა. გზა ისე ცოტაზეა წამხდარი, რომ ერთ კვირაში ადვილათ შესაძლებელია მისი გაკეთება. რაც ადგილობრივ მცხოვრებთათვის აუცილებელ საჭიროებას შეადგენს. გაკეთება მით უფრო საჭიროა, რომ კვირიკობის თვეს წვეაში საზოგადოთ ბაზრობა იციან, სადაც ესწრებიან თბილისის, გორის, ქუთაისის და ბათუმის ვაჭრები, რომლებსაც მოაქვთ რამდენიმე ათასი ფუთი საქონელი; საიდან უნდა მოიტანონ ეს უკანასკნელი თუ გზა გაკეთებული არ იქნება.

ქაჩის სოფლის მს. ტერ. გაჩეხილასე.

* *

ს. წყალტუბო (ქუთ. მახრა). ვინც უნდა აიღოთ: კავკასიის მკვიდრი, თუ შორიდან მოსული უცხოელი? ნასწავლი, თუ უსწავლელი, თითქმის ყველანი ერთ ხმათ აღიარებენ, რომ კავკასია ბუნებით მდიდარი ქვეყანააო, ამას ჩვენი საკუთარი თვალთაც აშკარათ ვხედავთ. რაც ზოგიერთისათვის სანატრელია და საოცნებო, ჩვენთვის ბუნებას უხვათ მოუნიჭებია, მაგრამ რათ გინდა? ჩვენ ვერ ვსარგებლობთ ამით და ბუნებით მდიდარი, ქონებით ღარიბი ვართ. მიზეზი, რასაკვირველია, ჩვენი უმეცრება, საქმის უცოდინრობა და თან დაყოლილი ქართველური დაუდევრობაა, რომლის გამო ქართველ კაცს ეშინია ახალ საეკანომო მოძრაობაში მონაწილეობის მიღებისა. აიღეთ, თუ გნებავთ, მაგალ., ეს ჩვენი წყალტუბოს თბილი წყალი. სხვა ქვეყანაში, მკოდნესა და ფულიანი კაცის ხელში, ამგვარი ბუნების სიმდიდრე დიდ მოძრაობას შექმნიდა და აუარებელ ფულს დაატრიალებდა მკვიდრთა შორის. ახლა ოთხი თუ ხუთი ათასი მანათი შემოაქვს ამ აბანოებს წელიწადში და ეს, მოგხსენებთ, მებატონეთა გაფხევილ ჯიბეს დიდ ვერაფერს შემატებს, რადგან აბანო ორია და მონაწილე კი ორმოცი. ეს ვარემოება, ცოტა არ იყოს, ხელს უშლის აბანოების ჰიგიენურათ მოწყობასა და გაუმჯობესობას. ჩვენი ფიქრით, აუცილებლათ საჭი-

როა, თვით საქმის სიკეთისა და შემოსავლის გადიდებ-სათვის, ამ აბანოების საქმე ფულიანსა და მკოდნე კაცს გადაეცეს იჯარით, რომელიც თითონაც ისარგებლებს და მებატონეთაც დიდათ ასარგებლებს. ამას თვით მებატონეთა საკუთარი ინტერესი მოითხოვს, მაგრამ ჩვენებურ კაცს სადა აქვს ამისი შნოა? მებატონეები ცდილობენ ხელიდან არ გაუშვან მისი სარგებლობა და გაუმჯობესობისათვის კი ფული არა აქვთ. კარგათ გვახსოვს, შარშან მებატონეთ მოლაპარაკება ჰქონდათ ბოქაულის თანადსწრებით აბანოების გაუმჯობესობის შესახებ და, როცა ყველაფერი მშათ იყო და პირობაზე ხელი უნდა მოეწერათ, უცებ გამოხატა ერთი მონაწილე და გაჭირვებულა: მე მაგაზე ხელს არ მოეწერო.— რატომ რა, მიზეზაო, — ჰკითხეს. „რაე მკითხავთ მაგას!? დღეს ჩემი მამულის პატონი მე ვარ და გამგებაც ჩემიაო“, — და საქმე ამით დაიშალა.

დღემდი მარტო ამ აბანოებით მოგვექონდა თავი და ახლა კი ჩვენ მხარეზე კიდევ აღმოაჩინეს ორ-სამ ალაგას სპილენძისა და ქვა-ნახშირის, ოქროსა და ვერცხლის მადნები. ამბობენ, ასეთი მდიდარი მადნები ჯერ კავკასიაში არ უნახავთო. ეს ადგილები ძვეს რიონის მარჯვენა მხარეზე, სწორეთ იმ მთის ზურგზე, რომელიც რიონს ქუთაისამდე ჩასდევს და თავდება იქ, სადაც არქიერის გორას ეძახიან. ეს მთის ზურგი გორ მდლიდან მოკიდებული, უმეტეს ნაწილათ ეკუთვნის თ. ლ — ძვესს, რომელთაც ნატარიული ხელ-შეკრულობით უკვე გაუციათ ოცდა თუთხმეტი წლის ვადით ამ მადნების საქმე. იგი აულია თ. ნ. ჩიკვაიძეს და ამბობენ, ახლა კავიტალის პატრონთან აპირებს საქმის დაქვრასაო. ღმერთმა ხელი მოუმართოს, ორივე მხარეს, მაგრამ ეს კი ვერაფერი საკადრისია არც ერთისა და არც მეორისათვის, რომ ასე სულ-მოუთქმელათ გადაუწყვეტიათ იმისთანა საქმე, რომელსაც ასჯერ ვაზომეა უნდა და ერთხელ გადაქრა.

ამ ჟამათ აქ არსდება ორ-კლასიანი სამრეელო სკოლა, რომლისათვის, ს. ქვილშორის აზ. იოსელიანებმა ათი ქცევა მიწა შეწირეს. შეწირეს აგრეთვე ახლო-მანლო მცხოვრებლებმა შენობისა თვის საჭირო მასალა.

წლევეანდელი ზამთრის ამბავს ხომ ნულარ იკითხავთ! არაოდეს ასე მოუშხადებელი ხალხი არ დახვედრია ზამთარს და ან კი რათ შეიწუხებდა თავს, როდესაც ასეთი უმეცრებელი და ღვთის რისხვა ზამთარი თავის დღეში არ უნახავს.

დიდი თოვლის გამო მისელა-მოსვლა შეწყვეტილი იყო და ამიტომ არც ქურდობისა ისმოდა რამე. დაიწია თოვლმა და გაიხსნა გზა თუ არა, ატყდა ერთი „ვეი უმეცრებელი“ და „ვეინ ხარ მამაცი“

მეზობელი მეზობელს აღარ ინდობს და ნათესავი ნათესავს, თუ რამე დაუხვდა, გაპარავს და მიაქვს. თავს კი ასე მართლულობს გუნებაში: შენ ბევრი გაქვს და მე სულ არაო.

ი. კონტული.

* *

სოფ. ზაყაშთა (კაკეაყის მახრა) წლებანდელი ზამთარი აქ საშინელი იყო. გაზაფხული ძრიელ გვიან დადგა, მისის მიწურულამდე ხნადენ და თესვადენ ქერს. მისის შუა რიცხვებში, გარეკეს მცხოვრებლებმა ცხვრები და ძროხები საძოვრათ. ამ დროს წამოვიდა ზევი და სამოცი ცხვარი და თვრამეტამდე ძროხა დაიტანა. მათი პატრონების ცოდვით ქვაც კი ატირდებოდა, სატირალიც ჰქონდათ საბრალოებს: საცოდაობით ზამთარში გამოკვებილი საქონლსგან ხელცარიელი დარჩენ.

ქართული ოსეთში.



უკუბრ გადმოცემანი,

ზემო იმერეთში შეკრებილი და ჩაწერილი გ. წყნეთლის მიერ.

გ. ჯაფარიძის ნაამბობი, ხარაგაულის ხეობაში მამისთვალა ყიფიანმა რომ სიმონოვიჩის ჯარი გაატარა.

მეორე ამბავი.



ამისთვალა ყიფიანი მარჯვე და მოხერხებულ კაცი იყო. რაკი დარწმუნდა, რომ თავისი გამოცდილებით და დახელოვნებით დიდ სარგებლობას შეიძენდა, დაუახლოვდა რუსის ჯარის უფროს სიმონოვიჩს, რომელიც გზების უცოდინარობის გამო ძალიან სიფრთხილით იქცეოდა და ცდილობდა ისეთი კაცი ეშოვნა, გზებზე კარგათ ცოდნოდა და იმერეთის ჯარების წინამძღომელებთანაც კარგი განწყობილება ჰქონოდა. სიმონოვიჩს უფრო იმისი ეშინოდა, ვაი თუ ჩხერიმელას დაღვლირკნილ და ვიწრო ხეობაში სადმე მოგვეწყვდეთ და ხსნა ევლარ ვიპოვოთო. მამისთვალა ყიფიანი ძალიან პატივით მიიღო რუსის ჯარის უფროსმა; კარგათაც დაასაჩუქრა ოქროებით და თავის გვერდიდან აღარ მოუტო-

ლობია. რაკი მამისთვალა ყიფიანმა დაარწმუნა სიმონოვიჩი: ისე ჩავიყვან შორაპნამდის, რომ ჯარს თავზე ბუზიც არ აუფრინდესო, მაშინვე მოახდინა მან განკარგულება, ჯარი აბარგებულებოდა და გზას დაღვამოდა. ჯარი მიდიოდა წინ აუჩქარებლათ და დიდი წინდანედულობით. როგორც კი დაინახადენ რამდენსამე იმერელს გორებზე გადმომდგარს, ჯარის უფროსი მაშინვე დასცემდა ბანაკს, საომრათ მოემზადებოდა და მოსალაპარაკებლათ გაგზავნიდენ მამისთვალა ყიფიანს. ესეც დიდის ამბით გაემზადებოდა, ეითომც სამძიმო საქმის ასასრულებლათ, გულში კი იცინოდა, რაკი ხედავდა, რომ გორებზე გადმომდგარი იმერლები, ქალი და კაცი, საომრათ კი არ იყვენ მოსული, ისე ცნობის მოყვარეობის გულისთვის. იმათ კიდევ უკვირდათ რაზმათ დაწყობილი ხიშტიანი სალდათები, რომლის თოფები მზესზე ბზინადენ და ზარბაზნების ტურნებს შავათ პირი დაელოთ და თან უხაროდათ, რადგან გაგონილი ჰქონდათ, რუს ხელმწიფის ჯარი ჩვენი მეფის საშველათ მოდისო და ბინძურ თათრებს კუდით ქვას ასროლინებენო: მოვრჩებით იმათგან დარბევას, ცოლშვილის გაუპატიურებას და გოგო-ბიჭების მოტაცებასაო. —საცა კი ხმა მიწედებოდა გარემო სოფლებში რუსის ჯარი მოდისო, მაშინვე ქალი და კაცი, როგორც მაყურებელნი, მობრუნდენ და გადმოდგებოდენ ხოლმე გორებზე საცქერლათ. იმათ ფიქრათაც არ ჰქონიათ მტრობა, ისინი უფრო ცნობის მოყვარეობით იცქირებოდენ, მაგრამ მამისთვალა ყიფიანი ეშმაკობით აზვიადებდა საქმეს. როგორც კი დაინახავდა გორებზე სოფლის გოგო-ბიჭებს, მაშინვე რუსის ჯარის უფროსს აფთხილებდა: არიქა, შეჩერდით, თვარა დაილუპეთ, იმერეთის ჯარი გორაზე გადმოვდა და თოფსაც არ იხმარენ, მარტო ქვების დაგორებით ამოგველეთენო.

რუსის ჯარის უფროსი მართლაც ემორჩილებოდა მის განკარგულებას, შეაჩერებდა ჯარს და ეხვეწებოდა მამისთვალას: წადი, იქნება რამე ნაირათ მოშალო ის იმერეთის ჯარებო და ყოველ ამისთანა მოღვაწეობისათვის მამისთვალა ყიფიანს ოკო-ოცი ოქრო ჰქონდა დანიშნული. მართლაც მამისთვალა ყიფიანი გაეშურებოდა იმერეთის გოგო-ბიჭებისაკენ, რომელთ შორის უფრო ბევრი მწყესები იყვენ გორაზე გადმომდგარი, და მას მარტო ერთი თქმის მეტი არ უნდოდა მათთვის: ახლავე აქედან დაიკარგეთ, თვარა რუსის ჯარი ზარბაზნებს დაგიშენნო. — ისინიც გამფრთხალნი საჩქაროთ გარბოდენ ტყეებში. როცა მამისთვალა ყიფიანი დაბრუნდებოდა რუსის ჯარის უფროსთან, ის მხიარულებით ეგებებოდა მას და უწონებდა მის დილომატიურ ნიჭს. მამისთვალაც დიდათ შეიფერებდა ასეთს ქებას და იცებდა ჯიბეს

ოქროებით. მამისთვალა არც ისე უკუნური კაცი იყო, რომ აღებული ოქროები ჯიბით ეტარებინა, ნამეტურ იმდროს, როცა ადვილათ შეიძლებოდა ის ვისმე გაცარცვა. როგორც კი ბაჯალლო ოქროებს მიიღებდა, ცოტახნით ვაპქრებოდა ჯარიდან, რომ ეს ოქროები უშიშარ ადვილას მიწაში ჩაეფულა. მხოლოდ ერთგან ჩხერის ციხეში იყო ბერ-წერეთელი თავის აზნაურებით და ნაყმევებით გამაგრებული. აქ უფრო დიდი შიში მიეცა რუსის ჯარის უფროს, რადგან ხეობაში ისეთი წერილი გზა იყო და ზევიდან გადმოფარებული ქედები დაჰყურებდა, რომ მართლაც ხსნა არ იქნებოდა, ვეღარც წინ წაედიდენ, ვეღარც უკან, რომ განეზრახათ გორებიდან ბრძოლის ატეხა.

მამისთვალამ მართლაც აქ დიდი ხერხიანობა გამოიჩინა. იმან იცოდა, რომ სარდალი ქაიხოსრო წერეთელი ვარციხეს წაბძანებულიყო მეფესთან ახალი ამბების შესატყობათ და ამითი ხერხიანათ ისარგებლა მან, რომ ბერი წერეთელი დაეჯერებინა, ჩხერის ციხე დაეგდო და ლორეშისკენ დაწეულიყო თავისი ჯარით. მამისთვალა ყიფიანი დიდი მოწიწებით გამოეცხადა ბერ-წერეთელს; ქაიხოსრო სარდლისაგან მოკითხვა მოახსენა და ვითომც მისი დაბარებული სიტყვა გადასცა: ქაიხოსრო წერეთელმა გიბძანათ, მე მეფესთან მივდივარ და თქვენ ლორეშისკენ დაიწით თქვენი კაცებით, რომ უღევზე ჯარი არ გამოგვეპაროს და ჩვენი სამკვიდრო მამული ხელში არ ჩაიგდონ. ბერ-წერეთელს მართლაც კუთაში მოუვიდა ეს განკარგულება და მაშინვე აჰყარა ჯარი, გამოიყვანა ჩხერის ციხიდან და შეუდგა ძირულის ხეობას სოფელ ლორეშისკენ, რომ შემდეგ უღევზე გადასულიყო და მიმინოს წყაროს ხეობა შეეკრა. აქ რუსის ჯარი დაბანაკდა ჩხერიმელას პირზე და მიწის სანგლები გარშემოიგლო. მამისთვალა ყიფიანმა ამ ხერხიანობისთვის მიიღო ორასი ოქრო. ჩხერის ციხეს იქით იმათ აღარავინ შეხვედრიათ წინ, რადგან მამისთვალა ყიფიანისაგან დაყრილმა ხმებმა სოფლელები და მწყეცები ძალიან შეაშინა. ისინი მხოლოდ მალულათ გამოიციქრებოდნენ უდაბურ ტყეებიდან და უყვირდით რუსის ჯარის გაწვრთნილი სამხედრო მოძრაობა და მათი დაფერილი იარაღი. შორაპანს იქით ყვირილის ხეობა გაგანიერდა, რუსის ჯარს წინ ქუთაისამდის სახიფათო აღარა ჰქონდა რა და სიმონოვიჩმა გული დაიმშვიდა. მან აქ გაიგო მამისთვალას ყიფიანის ეშმაკობა, ძალიან ეწყინა და აღარ მიიკარა. მამისთვალა ერთ დილას შეჯდა შეენიერს ბედაურ ცხენზე, ჩამოუქროლა სიმონოვიჩს ბანაკის წინ. ამდროს სიმონოვიჩი ჩაის მიირთმევდა. მამისთვალა რომ დაინახა, წარბები შეიხარა და ჩაილაპა-

რაკა: „ахъ, какой мошенникъ!“ მამისთვალა ყიფიანი მოუხვდა ჯარის უფროსს მის წყრომას და მაგიერი პასუხი უთხრა: „თქვენ პრევოსხოდიტელსტელს“, ჩემი „ჯიბა სიატელსტელს“ მიჩვენიაო, დაიკრა ჯიბას ხელი, შემოჰკრა მათრახი თავის ბედაურს და გაეშურა ვარციხისკენ.

* *

(ა. პლეშჩევიან)

გული აღუღდა!.. ზვიბი ფრაზებმა სრულებით დამლრნა და გამაწყალა; სულ სიტყვა! სიტყვა! სადაც საქმეა, იქ არც ღონე გვაქვს და არცა ძალა.

სად არის ჩვენი თანაგრძობანი და ხალხისადმი მტკივანი გული? სიმართლისათვის მარტო სიტყვით ვართ სატანჯველათა მომზადებული.

„აჰა! იღუპვის ჩვენი ქვეყანა!“ მუდამ ეიძხით გაცხარებულნი; სიტყვით—მდიდარნი და ღარიბები გვინდა რომ იქნან გასწორებულნი.

კიდევ ექადაგებთ ჩვენ მალაღის ხმით, რომ სიზარმაცე მანებელია; რომ მისთვის არ ვართ დაბადებულნი მარტო გავიძლოთ გულ-მუტკელი.

მაგრამ ბრძოლასა და მედგარს შრომას ისე ვაფურბით, როგორც ნადირსა; მამული შეილურ ვალის გადახდას შეურცხვენელათ ვარიდებთ პირსა.

ფრაზები ჩვენთვის ძვირფასი არის; მარტო ის არის ჩამდგმელი სულის; როდის შევიგნებთ, ოჰ, ღმერთო ჩემო! რომ მარტო ფრაზა ვერას გვიშველის?!

გ. მაქსიმესკი.

გლადიატორები.



ესაუბლიკის ხანა მიიწურა. რომი გადაიქცა მსოფლიოს ბრძანებლათ. მისი სამფლობელო ატლანტიის ოკეანედან ეფრათამდის იყო გადაჭიმული, ჩრდილოს ზღვიდან სახარის უდაბნომდე. რომის ძლიერებამ დაიპყრო და დამონა ევროპა, აზია, აფრიკა, მათი სხვა-და სხვა ტომის ხალხით. თვით რომს ქალაქი კი გადაიქცა მთელი ქვეყნის ცენტრათ, მთელ მაშინდელ სამეფოთა გულათ. ქალაქი აივსო სხვა-და-სხვა ტომის ხალხით; აქ იყვნენ შორეულნი ასურელნი, ეგვიპტელნი, ებრაელნი. სახელმწიფოს გადიდებამ, უცხო ტომთა შემოვრთებამ დიდი გავლენა იქონია თვით ქალაქზე: მან დაჰკარგა ძველებური ფერი და სამაგიეროთ მიიღო კოსმოპოლიტური ხასიათი.



გლადიატორები.

ვაჭრობა და აღებ-მიცემობა სხვა-და-სხვა კუთხეებთან გაძლიერდა; ყოველი კუთხე რომში გზავნიდა მას, რითაც იგი მდიდარი იყო. ქალაქში დატრიალდა აუარებელი სიმდიდრე. მცირე აზიის და საბერძნეთის კულტურა, რომელმაც უფრო ადრე მოიკიდა რომში ფეხი, გაძლიერდა. ფალოსოფია, ლიტერატურა, ხელოვნება, ტანსაცმელი, მონა, სამზარეულო, ყოველივე ეს იცვლებოდა. მაგრამ ამავე დროს მომზადდა სამინელი ეკონომიური კრიზისი. უკიდურესმა სიმდიდრემ და სილატაკემ ორათ გაჰყო მცხოვრებელნი და შექმნა პროლეტარიატი. ფუფუნებამ გარყვნა პოლიტიკური

ცხოვრება და ამოფხვრა საზოგადოებრივი ინტერესი. საერო კრებამ დაჰკარგა თვისი ძველებური მნიშვნელობა და ინტრიგანთა სათამაშოთ გადაიქცა. ძველებური სიმტკიცე ხასიათისა, პატრიოტული გრძნობა, ნელ-ნელა გაჰქრა და მის მაგიერ ხასიათ-წამხლარ ხალხში ფეხი მოიკიდა ყოველ გვარამ დაბალმა გრძნობამ და უგვანობამ. ხალხი ჰყიდდა თავის ხმას და აძლევდა მას, ვინც მას სამაგიეროთ „პურს და ცირკს“ ჰპირდებოდა. სამსახურში მდიდარი თანამდებობის მაძიებელნი საჩუკებლობდნენ ამით და ყიდულობდნენ ხალხს. ამისათვის ისინი უმართავდნენ სხვა-

დასხვა გასართობებს, უფასოთ ურიგებდნ საჭმელს და უფრო რყენიდნ ისეთაც გარყენილს და სულით დაცემულ ხალხს. აჩვენებდნ ისეთ სანახაევებს, სადაც იღვრებოდა სი'ხლი, სადაც ადამიანი სასკედილოთ ებრძოდა ადამიანს, ან მხეცს. ეს სისხლით საესე სცენები საყვარელ სასეროთ ვადაექცა ხალხს და საკვირველი ინტერესით ეკიდებოდა და გაფაციცებით მისდევდა მათ. ერთ ამგვარი გასართობთაგანი იყო გლაღიატორთა ბრძოლა. ეს გასართობი რომში ეტრუჩიიდან შემოვიდა. წინათ ამგვარი ბრძოლა ფლავენებისა მიცვალებულის დასაფლავების დროს იცოდენ. ეს ჩვეულება მისი სამაგიერო იყო, რომლის ძალითაც მიცვალებულის საფლავზე მონებს შეწირადენ ხოლმე მსხვერპლათ. შემდეგში, მეორე საუკუნეში ქ. წ., თანამდებობის მიღების წინათ დაიწყეს ამ გასართობების მართვა და ამისთვის დიდ ფულს ხარჯადენ. რაც უფრო მდიდრულათ იყო მოწყობილი, რასაკვირველია მით უფრო მეტ ყურადღებას დაიმსახურებდა მისი გამართავი ხალხისაგან. ერთხელ ერთ დასაფლავების დროს (183 წ.) ბრძოლაში მიიღო მონაწილეობა 120 კაცმა. აკისტოს კეისარმა ბრძანება გამოსცა, რომ ამაზე მეტმა არ მიიღოს მონაწილეობა ბრძოლაშია, მაგრამ შემდეგში იმპერატორების დროს ამას ყურადღებას აღარ აქცევდენ. იმპერატორი კომოდი თითონ იღებდა მონაწილეობას და ცერკში იბრძოდა, როგორც უბრალო გლაღიატორი. იმპერატორ ტრაიანის დროს გლაღიატორთა ბრძოლა 123 დღე გაგრძელდა. ამ ხანში ათი ათასი გარეული მხეცი აყო მოკლული, რომლებსაც ცირკში გამოუშვებდენ ხოლმე და რომლებთანაც გლაღიატორებს უნდა ებრძოლათ. გლაღიატორებათ საზოგადოთ გამოჰყავდათ მონები, ან ტყეები. გამოდიოდენ აგრეთვე თავის ნებითაც, და ზოგჯერ თვით იმპერატორებიც. გლაღიატორებისთვის სპეციალური სკოლა იყო გამართული და იქ ასწავლიდენ იარაღის ხმარებას და საზოგადოთ ბრძოლას. თითონ გასართობის საქმე ასე იყო მოწყობილი. გამოაცხადებდენ აფიშებით, რომლებიც კედლებზე იყო გაკრული, რომ ამა და ამ დროს იქნება ბრძოლაო; ცირკში შუა ადგილზე გამოდიოდენ გლაღიატორები, ზოგჯერ ორი, ზოგჯერ კი რამდენიმე ასი წყვილი, და იწყებდენ ბრძოლას ჯერ ბლაგვი იარაღით; პატარა ხანს უკან ბლაგვი იარაღს აწებებდენ თავს და ბასრა მახეილებით შეებრძოლებოდენ ერთმანეთს. მაშინ ისინი აღარ ზოგადენ და სასიკედილოთ იბრძოდენ. ხალხი, ზოგჯერ ნახევარ მილიონი, ისხდა და გაფაციცებით სულ-განაბული უმზერდა ამ მხეცურ გასართობს. ცირკში იმყოფებოდა თვით იმპერატორიც. მძიმეთ დაჭრილ გლა-

ღიატორს წინათ მოთავე იპატიებდა ხოლმე სიკვდილისაგან, შემდეგში კი ეს უფლება ხალხსა ჰქონდა მინიჭებული. დაჭრილი გლაღიატორი თითს აიღებდა ხოლმე მალა და ამით ანიშნებდა თავის თხოვნას. გამარჯვებულს გლაღიატორს ასაჩუქრებდენ ფულით, ან ხალხის სურვილისამებრ ანთავისუფლებდენ, თუ იგი მონა იყო, ან ტყვე.

ის სურათი, რომელიც აქ არის მოყვანილი, აღებულოა იმპერატორების პერიოდის უკანასკნელი დროიდან, როდესაც გახრწნილი, მომაკვდავი რომი თავგანწირულათ იბრძოდა ქრისტეს ახალი მოძღვრების წინააღმდეგ. ქრისტიანთა დენამ საშინელი ხასიათი მიიღო. მათ წვამდენ, აღრზობდენ, გარეულ მხეცებს ცირკში აფლეთინებდენ მთელი ხალხის თვალწინ. ხშირათ ისინი გამოჰყავდათ აგრეთვე გლაღიატორებათ, კაცთან ან მხეცთან საბრძოლველათ, მაგრამ ისინი მაინც არ ეცემოდენ სულით და ახალი სწავლით განათლებულნი გულადათ მიდიოდენ სასიკედილოთ. აქ არის დახატული ის სცენა, როდესაც სასიკედილოთ დაჭრილი გლაღიატორი, მიწაზე გართხმული გდია. გამძვინვარებულ მოპირდაპირეს ფეხი დაუდგამს და ერთი წუთის შემდეგ იგი სრულათ მოუსობს სიცოცხლეს, მაგრამ ქრისტიანი, კაცთმოყვარეობის გრძნობით გატაცებული, აჩერებს მას და თხოვს მის შებრალებას. გამარჯვებული გლაღიატორი გაცეებით ისმენს ახალს, მისთვის გაუგებარ სიტყვას მტრისადმი სიყვარულისას და შებრალებისას.

5.

ბიბლიოგრაფიული შენიშვნები.

კ. თავართქილადის გამოცემანი;

- 1) გეფსის-ტყაოსანი შოთა-რუსთკელი-სა, სურათებით, ასლ-სენაკი, 1896 წ., ფასი კარგ ქაღალდზე 80 კაპ., ჩუკულებრივზე 70 კაპ.
- 2) თავღვირქიანთ გვარის დაღატი და აღი ფაშა თავღვირქი წ. კ-ს. ასლ-სენაკი, ფასი ორი შაური.
- 3) „მაჰაბე“, თეიური ჟურნალი, IV.



იოს-შესანიშნავია „ეფესის-ტყაოსნის“ ბედი: თუ ერთი მხრით, მრავალ საუკუნეთა განმავლობაში მას გატაცებით კითხულობდენ, მეორე მხრით, იმავე დროს, სასტიკათაც დენიდა მას

სასულიერო წოდება. პირველათ დასტამბული „ვეფხისტყაოსანი“ ვახტანგ კანონმდებლის მიერ კათალიკონს პირველმა დაწვა. მაგრამ ხალხს ძლიერ უყვარს „ვეფხისტყაოსნის“ მსგავსი ნაწარმოებნი, რომ გარეგანმა დევნამ ხელი ააღებოს იმის კითხვაზე. ხოლო რაც შეეხება მეცხრამეტე საუკუნეს, ჩვენ თამამათ შეგვიძლია ვთქვათ, რომ ამ საუკუნეში არც ერთ ქართულ წიგნს არ წვევია „ვეფხისტყაოსნის“ ბედი: ხსენა-და-ხსენა გამოცემებს რომ თავი დაეანებოთ, მართა ოზურგეთში ერთი წლის განმავლობაში სამჯერ დაბეჭდილა ეს პოემა, როგორც ამბობს ამ უკანასკნელი გამოცემის წინასიტყვაობის ავტორი. იგივე ავტორი გვაუწყებს, რომ „ვეფხისტყაოსანს“ მკითხველს გარდა მუშტარძის ჰყავსო. სწორეთ რომ სამაგალითო მოვლენაა ეს; და ჩვენ სრულიად ვერწმუნებით ამაში წინასიტყვაობის ავტორს.

მაგრამ ახლა უნდა მოვმართო მკითხველო, შენ! ნუ თუ ჩვენ იმნაირ ბედზე ვართ დაბადებული, რომ არაოდეს აღარ უნდა გავთავისუფლდეთ ბრმა თაყვანის-ცემიდან? ნუ თუ ჩვენთვის დღეს „ვეფხისტყაოსნის“ დასაფასებლათ საქმარისია მხოლოდ ის გარემოება, რომ მას ხალხში უბრალო მუშტარძეც კი ჰყავს? თუ ეს ასეა, მაშ „ყარამანიანი“, „ქალ-ვაჟიანი“ და ათასი სხვა იანუბი და ანუბი, რომლებსაც არა მცირედი მუშტარძე ამოუჩინდებათ ჩვენ ხალხში, მაღალი ხელოვნური ნაწარმოებნი იქნებიან! შეიძლება გამოამკვმლოები მართლა ასე მსჯელობენ, მაგრამ ჩვენ ამის შესახებ ვერაფერს ვერ ვიტყვი. შევნიშნავეთ მხოლოდ აქ იმას, რომ „ვეფხისტყაოსნის“ მაღალი ხელოვნური ღირსება მართა იქიდან კი არ მტკიცდება, რომ მას ხალხში ბევრი მუშტარძე ჰყავს; პირ-იქით, ხალხში უმსგავს თხზულებებს, უმრავლეს შემთხვევაში, უფრო მეტი გასაფალი აქვთ ხოლმე.

ამ მცირე შენიშვნით ჩვენ ვესურს მკითხველის ყურადღება მივაქციოთ ერთ გარემოებას. ჩვენი საზოგადოება ერთობ გადაჭარბებით ბრმათ უყურებს „ვეფხისტყაოსანს“. ეს გარემოება უნდა ჩაითვალოს მანებლათ. ბევრი იმ აზრისაა, მაგალ., რომ, კაცმა თუ წაიკითხა ეს ნაწარმოები, მერე მისთვის აღარაფერი საჭირო აღარ არის. „ვეფხისტყაოსანში“, მაგალ., ნათქვამია, რომ „ლეკვი ლომისა სწორია, ძე იყოს თუნდა ხეაღია“, მაშ აქ ქალების ემანსიპაციანა ლაპარაკი; ან და: „მიეც გლახაკთა საჭურჭლე, ათავისუფლე მოწიბო“, მაშ აქ ბატონ-ყმობის მოსპობაზეა სჯაო და სხვა ამგვარები. ნუ თუ ეს დაცინვა არ არის ყოველივე საფუძელიანი მსჯელობისა? ან რაზეა, კაცმა თქვას, ყოველივე ეს ყოყოჩური მსჯელობა დამყარებული? კანდიერ უეცრობაზე და ბრმა თაყვანისმცემლობაზე, ვუპასუხებთ ჩვენ: აბა

შენ თითონ გასაჯე, მკითხველო. „ვეფხისტყაოსნის“ უკანასკნელი გამოცემის „წინასიტყვაობისებურის“ ავტორი გვაუწყებს შემდეგს: „ჯერ დედათა დამოუცილებლობის, ანუ ვერეთ წოდებული ემანსიპაციის შესახებ კრინტიც არ ყოფილა არსად დაძრული და ქართველობამ კი შოთა რუსთაველის წყალობით იცოდა, რომ „ლეკვი ლომისა სწორია და სხე...; ჯერ ყველა პირად ინტერესებსა და ანგარიშებში იყო გართული, და ქართველობას კი შირსე ეგეჩა, დროშასე ეწეჩა და შესისხლ-ხორცებული ჰქონდა ის აზრი, რომ „სჯობს სახელისა მოხვეჭა ყოველსა მოსახვეჭელსა“; ჯერ ყველა სხვისი სიკეთისა და საუნჯის გამოხერა-გამოწინაში ათენ-ალამებდა და ქართველობას კი ჭკუშა-რითუბათ ჭქონდა აღიარებული, რომ „რასაცა გასცემ შენია, რაც არა დაკარგულია“; „ჯერ კიდევ“...¹⁾ მაგრამ ამდენი ჯერებით“ ჩვენ იქამდის მივასწვით, მკითხველო, რომ ყოველივე ჭკუშარითების აღმოჩენას შოთა რუსთაველს და ქართველობას მივაწვრთ. მაშ ჩამოდქით ყველანი: ჩვენ, ჩვენ ვიყავით მართა, თორემ თქვენ სხვები რის მაქნისები ხართ, რა გაგიკეთებიათო, რომ თავი მოგაქვთ საზოგადოებრივი ცხოვრების განვითარებითო. აი, თვით წინასიტყვაობისებურის ავტორის სიტყვებიც: „ეს ის დრო იყო (შოთა რუსთაველის დროზეა ლაპარაკი), როცა გარეშე მტრები კრინტის დაძვრასაც ვერ გვიბედადენ; ხოლო უკეთუ ვაბედადენ (ვაი უბედურთ!), დამარცხება არ აცდებოდათ. ეს ის დრო იყო, როცა შინაური კეთილ-დღეობა ჩვენის ქვეყნისა მრეწველობისა და მეურნეობის მხრით აყვავებული იყო და ბედის მოჩინაჲს გეჩ იზოვიდით. (დახეთ, სადამდის მიდის ავტორის თავებობა). ეს ის დრო იყო...“²⁾ მაგრამ კმარა, მკითხველო! ნუ თუ ყოველივე ამგვარი გალიმატია ისტორიის დაცინვა არ არის და ჩვენი აბუჩათ აღება? ნეტა ვიცოდეთ მაინც ამ სიტყვების დამწერს, როდისმე გადაუფურცლავს და ან თვალთ უნანავს ჩვენი ისტორიის მატთან? მაგრამ ხომ იცი, მკითხველო: ჩვენში ამდებთ არ იწუნებენ თავს, ჩვენში ყოყოჩობას და პრეტულ-პრეტულ ფრაზებს უფრო ლაზათიანათ ეწყობიან, რომლებსაც საფუძელათ უდევთ მართა უკიდობა და ბრმა-თაყვანისმცემლობა. აი, აიღეთ თუნდა „ვეფხისტყაოსანი“. ჩვენში მზათ არიან წინასიტყვაობის ავტორსავით ბრმათ ვთაყვანონ არა თუ ამ პოემის მთელ ფრაზებს, ანუ სიტყვებს, არამედ წერტილსაც, მიმესაც, ოღონდ კი ეს უკანასკნელი „ვეფხისტყაოსანში“ იყო დასმული. მაგრამ

1) „წინასიტყვაობისებური“ გვ. VI—VII.

2) ibid გვ. V.

ახლა ბ. ალ. ს.—შვილმა³⁾ ცხადთ და საუფედლიანთ დაგვანახა, თუ რა ხარისხამდის ბრმა-თაყენის მცემელი ყოფილა ჩენი საზოგადოება. ამ პატივცემულ მკვლევარმა დაგვიტყვა, რომ არა თუ ცალკე სიტყვები და ფრაზები, არამედ მთელი ადგილები „ვეფხისტყაოსნისა“ ყალბი ყოფილა, და როგორც ამ ნაიჩი მახინჯი და უმსგავსი; და ჩვენ საზოგადოებას კი ყველა ეს ყალბი და უმსგავსი ადგილები მარჯალიტუბათ მიაჩნდა. აქ რადგანაც სიტყვამ მოიტანა, აი რას უნდა მივაქციოთ ჩენი საზოგადოების ყურადღება: საჭიროა ერთხელვე ეს ყალბი ადგილები გამოიქვოს „ვეფხისტყაოსნიდან“. ამიტომ შემდეგისათვის მაინც უნდა დაველოთ გამოცემელთ, რომ იმათ ამ ყალბი ადგილებით კიდევ აღარ დაბეჭდონ ეს ლიტერატურული ნაწარმოები, და ამასთანვე ყოყორს მსჯელობასაც უყლონ. ჩვენ კი მაინც, მთელი ჩენი ძალ-ღონით, ვეცდებით მწერლობიდან მაინც განვდევნოთ ყოველივე შეხედულება, რომელიც ყოველ გვარ საუფედელს მოკლებული იქნება.

აქვე არ შეგვიძლია არ მოვიხსენიოთ ბ. კ. თავართქილაძის მეორე გამოცემა, სახელდობ: „თავდგირიძიანთ გვარის ლალატი და ალი ფაშა თავდგირიძე“ ზ. კ.—სა; ბ. ზ. ჭიჭინაძე საკმარისათ ცნობილია ჩვენ მწერლობაში, ამიტომ მასზე აქ ჩვენ არაფერს ვიტყვი. შევნიშნავთ მხოლოდ, რომ შარშან გამოაცემის ბროშურა: „ქართველები სპარსეთში და ქართვ. მაშადიანი ოთამ ონიკაშვილი“, რომელიც შინაარსით რამდენიმე მოგვეგონებს იმ წიგნაკს, რომელიც ზევით დავსახელეთ: ორივე ეს წიგნაკი გვეუბნება საქართველოდან ძალადობით გადასახლებულ და გაუხედურებულ ქართველებზე. მაგრამ, მეორე მხრით, დიდი განსხვავებაც არის იმათში: თუ ერთი იმათგანი („ქართველები სპარსეთში“ და სხვ.) გვეუბნება გარეშე მძინვარე მტერთა ძალადობით ქართველების გადასახლებაზე სპარსეთში, მეორე („თავდგირიძიანთ გვარის ლალატი“) მოგვითხრობს, რომ მსგავსი გარემოება—ქართველების ძალით გადასახლება სხვა ქვეყანაში და გადაარჯულება—შესრულდა შინაგან მტერთა ლალათით და სამარცხვინო ბოროტი მოქმედებით. ბ. ზ. ჭიჭინაძეს აუღია ერთი ეპიზოდი, ერთი ხანა, გურიის ცხოვრებიდან; მაგრამ ეს ეპიზოდი არის ფრიად საინტერესო. ის აქ გვიხატავს მოკლეთ, თუ რის მომქმედნი და რის ჩამდენი იყვენ ეს დროთა-ვითარების გამო განლაღებულნი და აღვირ წაისნილი თავადნი, რის შედეგს ახლაც კი ეხედავთ ჩვენ

თვალწინ თითქმის ერთი საუკუნის შემდეგ იმ ამბისა, რომელიც აწერალია „თავდგირიძიანთ გვარის ლალატიში“. „თავდგირიძეები“ მეოხებით—ამბობს ავტორი—ჩვენ სამშობლოს დიდი ზარალი მოჰყვოდა, გურიას ამათ დიდი უხედურება დაატენეს თავზე: ესენი უსისინებდენ ძმას ძმაზე, აზნაურს აზნაურზე“ და სხვ. (გვ. 27). „თავდგირიძეებიდან გაყიდული გოგო-ბიჭებით აქამდის საესე იყო მისირი, დიარბეჭირი, სტამბოლი და სხვა ადგილები“ (გვ. 28). „ჩვენ აქ ამ გაყიდ-გამოყიდვანზე—გვეუბნება ავტორი—ერთობ ადვილათ ელაპარაკობთო. მაგრამ ამ გაყიდვის დროს ყმაწვილებისაგან დიდი გოდება და ტირილი ისმოდა ხოლმე, დიდი წყევლა და შეჩვენება მათის დამყიდვისა, გმობა, მაგრამ დამყიდავს, ვინ რას უზამდა (გვ. 20).

ერთი სიტყვით ეს წიგნაკი ჩვენ იმდენათ საინტერესოთ მიგვჩინა, რომ ყოველ ქართველ მკითხველს ვურჩევთ იმის წაკითხვას; მხოლოდ ჩვენ აქ ერთ ფრიად საყურადღებო გარემოებას მივაქცივთ მის ყურადღებას. ავტორი გვეუბნება შემდეგს: „ეს მასალები მე მოვიპოვე ოზურგეთის სამაზრო სამართველოს ძველ არხივის ქალაღებში, რომელ არხივის 120 ფუთი ქალაღები ოზურგეთის ვაჭრებს იქმნა დაეიდული. მე აქა-იქ მწვერილობის დუქნებში შევკრიბე ესენი და „წერა-კითხვის საზოგადოებას“ გადაეცი. გურიამ ამითი დიდ-ძალი მასალები დაგვრგა და ნამეტურ გლეს-კატობა“ (გვ. 20). გასაჯე მკითხველო, შენ, თუ რამდენათ სამწუხაროა ის გარემოება, რომ ამგვარი ძვირფასი მასალები ჩენი ისტორიისა უკულმართობის და შეუგუნებლობის გამო ასე იფანტება და იკარგება, ჩვენდა სამარცხვინოთ.

ჩვენ მივიღეთ „მოამბის“ აპრილის ნომერი. ამ მცირე შენიშვნაში, არ არის ადგილი ელაპარაკათ იმაზე, თუ როგორ აკმაყოფილებს სხენებული გამოცემა ჩენი თანამედროვე მკითხველი საზოგადოების მოთხოვნილებას. შევნიშნავთ მხოლოდ, რომ მკითხველს ცოტა არ იყოს, გაუცრუვდა იმედი „მოამბეზე“. ამით აიხსნება ის გულ-გრილობა, რომელსაც იჩენს ჩენი საზოგადოება „მოამბეზე“ და რომელსაც ამას წინეთ იხსენიებდა ბ. იაკობ სვიმონიძე ვაზ. „ვეფრაში“. ვინ არის დამნაშავე აქ? მკითხველი საზოგადოება, თუ თვით რედაქციის დაუდევრობა? მეორეზე ჩვენ არაფერს ვიტყვი. რაც შეეხება მკითხველ საზოგადოებას, ჩვენ დარწმუნებით ვამბობთ, რომ ეს უკანასკნელი ახლა იმდენათ მოვიდა თვით-ცნობიერებაში, რომ იმისთვის ბბ. სვიმონიძეების გოდება-ყვედრება სრულებით საქირო აღარ არის.

ეტყობა რედაქციას დიდათ უმცვაღინია, რომ ეს

³⁾ ის. ჟურნ. „მოამბე“ 1895 წ. №. 11, 12 და № 1896 წ. № 3; სტ.: „ვეფხისტყაოსნის“ „ყალბი ადგილები“. ამის შესახებ შეხედვ.

ნომერი, რაც შეიძლება, კარგი და მრავალ-შინაარსიანი გამოსულიყო; და მართლაც, ეს ნომერი სწორეთ მრავალ-შინაარსიანია: თქვენ აქ წაიკითხავთ ორიგინალურ და ნათარგმნ-ბელეტრისტულ ნაწარმოებს, წმინდა სამეცნიერო და ისტორიული შინაარსის წერილებს, უცხოეთის მიმოხილვას და სხვ. მაშასადამე, ამ მხრივ მკითხველს არა ეთქმის-რა. მხოლოდ საქმე ის არის, რომ ყოველსავე ამას რაღაც მკვდრის ფერი ადევს; თქვენ გრძნობთ კითხვის დროს, რომ აქ რაღაც აკლია, თორემ ისე ყველაფერი თავის ადგილზეა. ეს რაღაც, არის ის განპაცხოველებელი ძალა, რომელიც თითქმის ინსტიკტიურათ უნდა შექმნას ყოველივე დრო-გამოშვებით გამოცემამ და თითოეული თავის წერილი ასე თუ ისე აუცილებლათ უნდა აღბეჭდოს ამ განმაცხოველებელი ძალით, ურომლისათაც ის ვერასოდეს ვერ მოიპოვის თანაგრძნობას მკითხველ საზოგადოებაში. ჩვენ ამ მოკლე ბიბლიოგრაფიულ წერილში ვერ შევეხებით ვერც ბელეტრისტულ ნიწილს და ვერც პროფეტორიაშილის მეცნიერულ წერილს „რძეზე“; ჩვენ ვესურს აქ მხოლოდ მკითხველის ყურადღება მივაქციოთ „მოამბის“ ისტორიულ ნაწილს.

უნდა შევნიშნოთ, რომ ამ ბოლო დროს „მოამბის“ რედაქცია უფრო სასარგებლო გზას დაადგა: ეს ჩვენი ისტორიის დაუბეჭდავი მასალის გამოქვეყნებაა. ვინ არ იცის, რომ ჩვენი ისტორიის უმთავრესი მასალა ჯერ ისევ ხელ უხლებელი განისვენებს სხვა-და-სხვა არხებში; ეს კიდევ კარგი: უმრავლეს შემთხვევაში ეს მასალა პირდაპირ იკარგება, საუკუნოთ ჰქრება ჩვენთვის სხვა-და-სხვა მიზეზის გამო. ამიტომ რაც აღრე გამოიციემა ჩვენი ისტორიის მასალა, მით ეს ორნაირათ იქნება ჩვენთვის სასარგებლო: ერთი ისა, რომ ამ აურაცხელი მასალის რამდენიმე ნაწილი მაინც გადარჩება გაქრობას, და მეორეც ისა, რომ ჩვენი წარსული ცხოვრების სვე-ბედსაც თავის დროზე შევისწავლით. ამ მხრივ „მოამბის“ რედაქცია უმეტესათ აქცევს ყურადღებას მე-XVIII საუკუნის ბოლოს და მე-XIX საუკუნის დასაწყისს. მეტია ლაპარაკი იმაზე, თუ რამდენათ საინტერესო და ღირს—შესანიშნავია დასახელებული ხანა ჩვენი ისტორიისა. არც ერთი ისტორიული ეპოქის შესახებ ჩვენში არ დარჩენილა იმოდენა მასალა, რაც დარჩა ამ ეპოქის შესახებ; ამას, რასაკვირველია, თავის მიზეზები ჰქონდა. უკანასკნელ „მოამბის“ ნომერში, თუ სახეში არ ეიქონებთ „საქართველოს სიძველეს“, რომლებიც დიდი ხანია იბეჭდება, როგორც დამატება, მოთავსებულია ორი მეტათ საყურადღებო ისტორიული მასალა: „დასტურ-ლამა“ ნიკოლოზ დადიანისა და „მეფე სოლომონ

მეორის დროის წერილები“. ამ „წერილებში“ ჩვენ თვალ-წინ გამოდიან ორი სხვა-და-სხვანაირათ შესანიშნავი პირი იმერეთისა ამ საუკუნის დასაწყისს: ერთია სოლომონ ლეონიძე და მეორე ზურაბ ქიხოსროს-ძე წერეთელი. ხსენებულ წერილებში აშკარათ გამოხატვის ორთავეს ხასიათი: ერთის ზნეობრივი სიმაღლე, და მეორეს სიმდაბლე და პიროვნული ანგარებით ხელმძღვანელობა სახელმწიფო საქმეების მართვაში. ჩვენ აღტაცებაში მოგვიყვანა, მაგ., სოლ. ლეონიძის შემდეგმა სიტყვებმა, რომლებითაც იგი მიმართავდა ზ. ქ. წერეთელს: „შენ კაცი ხარ და არა ღმერთი. გინდა, რომ ცა და ქვეყანა შენ ფიქრებზე ბრუნდებდეს, ეი, ადამ, არ იქნება. თუ კი მონარდე ბრძანდები, იავანში დუშაში ითამაშე. რა გაჯავრებს, მართალია, დიდი კაცი ხარ, ათასი კვამლი გეყოლება, მაგრამ ქვეყნის ქართა რომ არის დახატული, თუ კაცი ხარ იმაში ან შენს სახერგს იპოვნი, და ან შენს სასახლეს მიაგნებ, თუ სად ზიხარ ან სადა გძინავს. თურმე არა ყოფილხარ რა და რას დიდულობ...“ (გვ. 85). საერთო მდებარეობა გათვლების დროს, სასიამოვნო შთაბეჭდილებას ახდენს აგრეთვე მკითხველზე ნიკოლოზ დადიანის სიტყვები, მიმართულნი მის მთავრის და უფროსის წინაშე. „თუმცა-ლა კმა სამყოფელათ შიში შემიპყრობს მე ესე ვითარათ კანდიერათ მოხსენებისათვის—ეუბნება ის ლევან დადიანს—გარნა მრავალნი მიზეზნი მიძულებენ მე გარეგანდებათ შიშისა და თქმათ უმჯობესისა, და უმეტეს არცა-ლა სულნი ერთგულებისანი დამაყენებენ მე, რათა არა ეთქვა იგი რაი უმჯობეს არს“ (გვ. 47). სოლომონ ლეონიძის და ნიკოლოზ დადიანის მავალითები ამგვართ გვიმტკიცებენ ჩვენ, რომ იმ საერთო დაცემის დროსაც გეყოლიან თითო-ოროლა მაღალ-სულოვანი პირნი, აღსაესე მაღალ-განძრასულებებითა. ნიკ. დადიანის „დასტურ-ლამა“, რომელიც ამ ნომერში დამთავრებული არ არის, თავის შესანიშნავი დადიანის დიდათ შესანიშნავი არ არის, რადგანაც იგი აქ მხოლოდ მთავრის კერძო შინაურული საქმეების მოწყობას ეხება, თუმცა-ლა, მეორე მხრით, აქაც ეხედავთ, თუ როგორ ყურადღებას აქცევდა ავტორი ხალხის მართვა-გამგეობის საქმეს.

ამვე ნომერშია აგრეთვე მოთავსებული ბ. ლ. აღნიაშვილის სტატიის „სპარსეთი და იქაური ქართველების“ გაგრძელება, მაგრამ რადგანაც ავტორს უმთავრეს თავის საგანზე ჯერ თითქმის არაფერი უთქვამს, ამიტომ ჩვენც ჯერ-ჯერობით მასზე არაფერს ვამბობთ.

მ.

ნ უ შ ო .

(მოთხრობა *)

XIII.



აგუს ვაჭრობას და იმის ოჯახის ვითარებას, ძალიან აღვიწყებდნენ თვალს ის ვაჭრები, რომლებსაც იმასთან ჰქონდათ აღებ-მიცემა, ან რომლებსაც შურდათ იმისი სიკეთე და თავიანთ სასარგებლოთ მიაჩნდათ იმისი დამხობა. ესენი დარწმუნებული იყვნენ, რომ ამგვარი ცხოვრება ცუდ ზეგავლენას იქონიებდა ჯაგუს შეძლებას და ვაჭრობაზე; პირველები ეჭვით უყურებდნენ იმას, რადგან ეშინოდათ ჩვენი არა დაიტანოს რაო, მეორეები სიამოვნებით ხელებს იფშენებდნენ, რადგან იცოდნენ, რომ „სალხინო“ დაქცევა იმათ აშენებას მოასწავებდა. ჯაგუს კარგათ ესმოდა ეს ყველაფერი.

დადგა გაზაფხული. ეს ის დრო იყო, როცა კორსიას ვაჭრობა ცხოველდებოდა, ერთი ათასათ მატულობდა. სწორეთ ამ დროს დახედა ჯაგუ მთლათ მომზადებული. ფული ჰქონდა იმას გადარჩენილი, აპირებდა იმ ბალის შეყიდვას, საცა ვაჭრობა ჰქონდა გამართული. ახლა ამისთანა ფიქრების დრო აღარ იყო. ამ ფულიდან ნაწილი კიდევ დეხნარჯა. გადაწყვიტა, რომ ეს ფული „სალხინო“-ს უკეთესათ მოწყობაზე და ვაჭრობის გაძლიერებაზე მოეხმარა. ჯერ მთლათ გაუსწორდა ყველას, ვისგანაც კი რაჲე საქონელი წამოეღო საეაჭროთ და ამით დიდი ნდობა და იმსახურა სოფელგარებისაგან. მერე გააშენიერა და სწორეთ რომ კეკლუცათ მოაწყვა თავისი ბალი. მომდგრლები, მემუსიკეები, მუშაითები წინათვე დაიქირავა, მსახურები გაამრავლა და უკეთესებით შეავსო; მეეტლებს გაურიგდა მუშტარი ნაკლებ ფასათ მიეყვანათ იმასთან და თითო გზა მუშტარზე გადაკეთილი საჩუქარი დაუნიშნა. ეინ იცის, კიდევ რამდენი საშუალება იხმარა! გაზეთებში ახლათ დაბეჭდა განცხადებები. ქალაქი აალაპარაკა, ჯერ ხომ გაზაფხული ახალი დამდგარი იყო და „სალხინო“. ს მაშინვე მიაწყდა ხალხი. ჯაგუმ გამოცდილი თვალთ აწონდაწონა საქმე და წელში გაიმართა, გამხარულად:

დარწმუნდა, რომ ამ ერთ ზაფხულის მოგებასთან მთელი წასული ხარჯები უბრალო ხარჯათ გამოჩნდებოდა. ეს ნამდვილ ასეც მოხდებოდა, თუ ბედს არ ემტყუნა იმისთვის.

მთაწმინდობა დღე დაღამდა. კარგი დარი იდგა. ქუჩები ამშრალიყო, ქუჩის ტალახა კი ჯერ მტერთ არ აღენილიყო. ბუნება გაღვიძებულიყო, გამოფხიზლებულიყო. ქალაქსაც კი დატყობოდა ბუნების გაახლება; თბილისის მადამო ჯერ არ იყო გატუსული და უდაბნოთ გადაქცეული, ისეც მწვანე ემოსა; ქუჩების ნალიტა და დაჩაგრული ხეებისთვის სიცხეს ჯერ ფოთლები არ შეეხრუეა, მტერს ჯერ მძიმეთ არ დაეტყირთა ისინი. მთეარე კაშკაშებდა. თუმცა შეღამებული იყო, მაგრამ ქუჩებში ისეც ირეოდა ხალხი. სადღესასწაულოთ ეცვათ, რადგან დღეს მამადავითში ელოცათ. საპყრები თუ დარჩენ შინ, თორემ ვისაც შეეძლო წავიდა, რომ დაეტკობო თვალი ბუნების შეენიერებით, რომელიც მთიდან მოჩანს.

მთაწმინდის მედნის პირში, ჯაგუს სახლის წინ შექუჩებულიყო ხალხი და ფანჯრებს შეჰყურებდნენ. სახლიდან საკრავებისა და დარის ხმა გამოისმოდა: ჯაგუს დიდი მეჯლიში ჰქონდა დღეს. სტუმრები გულთ მხიარულებდნენ: მისპინძლის სიუხვეს და გულლაობას გაეხალისებია ისინი. ახლა კორსიას ამისთანა ხარჯებისა აღარ ეშინოდა, რადგან ფული ნიაღვარივით მოუდიოდა. ჭალითა და სანთლებით განათებულ დარბაზში ცეკვა გაემართათ. მძიმეთ მორთული ქალ-რძალი სიშენიერეში ერთმანეთს ეჯიბრებოდა. რეზიკო მოთავობდა ცეკვას. რუსთველოურათ წვერ-შეკვერცხილი, ულვამ ფაქიზათ გადაგრეხილი, თმა-ხუტუტა „კნიაზი“ ქალების გართობასა ცდილობდა. ყურთმაჯებ გადაყრილი ბანოშ ხავერდის მოკლე ახალუხში, პლისის განიერ შარვალში, რომლის ტოტები კონტა წალბში ჰქონდა ჩატანილი, შეჭვიდილი ქამარ-ხანჯლით მორთული, ტანადი რეზიკო ყველასა ხიბლავდა თავის ცეკვით. ფეხების ისე ცქვიტათ ნძრევისა და მოხდენილი თამაშობისათვის ეგონებ მარტო ვარჯიშობა არა კმარა, დარწმუნებული ვარ, რომ ამას ნიჭი უნდა, განსაკუთრებითი ნიჭი. ფარჩა ხავერდში ჩამჯდარი, თვალმარგალიტით მორთული დიასახლისი სურვილებს აღვიძ-აღლელებდა. იმის შემხედვ კაჟკაცებს ჰკუ

*) იხ. „კვლე“ № 24.

დაბნეოდათ და ეშხით მთერალები ცოლებს თვალს არიდებდენ. თავ-მოშორენ ჯაგუ სიამით და სიამაყით ალტაცებაში მოსულიყო, ფრთები შესხმოდა, ვასკელა-ეებს ეთამაშებოდა.

შეწყდა ლეკური. სული მოითქვეს საზანდრებ-მა ჩამოატარეს ტაბაკა ხილვეულ-ტკბილვეულებით, მათრობ-მაგრბილებელი სასმელებით, გაიღო კარები და მოლაშაზებულმა ძიძამ სულ ბაბთებით და აბლა ბუდვსავით ნაწ არშიებით მორთულ ტანისამოს-სახ-ევეებში შეხვეული ბავში შემოიყვანა, დედა მიეგე-ბა ეყეს; ხელში აიყვანა და ჩაჰკოცნა. სტუმრები გარს შემოიხეინენ, ანგელოზივით ყმაწვილს ჰკოცნიდენ, უაღრესებდენ, ესაყვარლებოდენ. პატარას მოწონდა დართული ხალხი, ათვლიერებდა, უცინოდა, ხელებს აწვდიდა. დედა ალტაცებაში მოვიდა, ასწია ყმაწვილი მაღლა და ჰაერში შეათამაშა გაჩაღებულ ნომლისა-კენ ბავს ესიამოვნა, კუჭკუჭი დაიწყო. გახალისე-ბულმა დედამ კიდევ შეაგდო ყმაწვილი, ყმაწვილის შეთამაშების დროს უეცრათ მარჯვენა ხელის თითე-ბი-სამაჯურის ჯინჯილებში გავება, ბავში დაეშო, დედამ სტაცა მეორე ხელი, მაგრამ ევლარ შეიმაგრა: ბავში თავდაყირა დაენტხო იატაკს. გაისმა საზარელი კივილი. იატაკეს პატარა ძლივს-ღა ფეთქაედა, ქა-ლი ხელგზავნილი გაშეშდა; ღიმილი ტუნებზე შეჰყინოდა, სახე კი დაპრანჭოდა. ჯაგუმ მოჰკრა თვალი გასისხლიანებულ პატარას, იგრძნო უბედუ-რება; გადაფრინდა ეფხივით და ხანჯალ-ამოწვილი შეჩერდა მკვლელთან, მაგრამ მარჯვენა დაუდუნ-და, ხანჯალი დაუშვა: გაბეჩავებული სატრფო დანა-ხა. მაგდას გული შეწუხებოდა, პირს სისხლი მოდ-გომოდა; აბრუნებდენ. ეს ყველა ერთი თვალის და-ხამხამებზე მოხდა, ელვასავით, სწრაფათ.

XIV.

მაგი დღე გაუთენდა სახლობას: ექიმების ცლამ ამათ ჩიარა, ყმაწვილი გათაედა. ცოლ-ქმარი გონს ევრ მოსულიყვენ, ერთმანეთს ერიდებოდენ, თვალი ევრ-გავსწორებინათ ერთმანეთისთვის.

ქალი ხედავდა, რომ დიდი უბედურება დაატყდა თავს, რომ ამ უბედურობის მიზეზი თითონ იყო, თითონ ნუშო, ის ნუშო, რომელსაც აქამდინ ყვე-ლა შენატროდა. ახლა ეინ იცის რამდენი უგებს

ნიშნს, რამდენის გული ილიმება ბოროტი სიამით. ეინ იცის რა თვალთ უყურებენ ახლა იმას.

— ყველას ესმის, რომ უბედური შემთხვევა იყო, მოულოდნელი, მაგრამ ჯობრით ყველა მე დამგომოს, დამკრულავს, მკვლელათ გამომიყვანს, შვილის მკვლე-ლათ... ეიცი, რა ბოროტებიც არიან! ფიქრობდა ქა-ლი და ჯავრით გული უცენსოდა, უნდოდა ამ წუთ-ში კბილით დაეგლიჯა ისინი, ის მექორეები, უბრალო საქმეს საგანგაშოთ რო ხდიან, რწყილს რომ აწვე-ნენ—და აქლემს ამოზინებენ, უბედურ შემთხვევას რომ განზრახ აზვიადებენ...

— მაგრამ ეს საცოდაობა განა თითონვე დიდი და საშინელი არ არის, რაღა გაზვიადება უნდა! ან როგორ-ღა შეიძლება იმისი გაზვიადება? ეწორჩუ-ლებოდა იდუმალი ხმა და ბოღმა ყელში ებჯინებო-და, სუნთქვას უხშუთაედა. უნდოდა ჰყოლიყო ეინმე ნუგემის მცემელი, უნდოდა ეისიმე უბეში დამალა ტანჯული თავი და ცრემლით ჩამოებანა გუ-ლის ქანგი, მაგრამ გვერდს არაეინა ჰყავდა ისეთი. ცრემლი თვალეებზე ამრებოდა; ცრემლის ნამები ცეცხ-ლის ალათ გადატყეულიყვენ და გენიას უკიდებდენ ისეც დადაგულ გულს.

გამწარებული დედა ცდილობდა დაეხატა გო-ნებაში თავისი პატარა, მაგრამ ევრ წარმოედგინა მკა-ფიოთ: არც იმისი სახე ახსოვდა ნათლათ, არც იმი-სი თვალეები და თვალეების გამომეტყველება, არც იმისი ხმა; ევრ წარმოედგინა ის ევრც მძინარე, ევრც გამოლეიძების დროს, ევრც წოენაში. კარგათ მყოფი კოწია ნისლით იყო მოცული იმის გონებაში. მამ რა იქნებოდა, როცა გაიმორა მშობელმა შვი-ლი ხორციელათ და აღარ ინება მკიდრო კეშირი ჰქონოდა იმასთან, ზნეობით შეერთებულოყო თავის სისხლ-ხორცთან! მართო გასართობ საგნათ-ღა მიიჩნ-და ის, მშობლის მოვალეობა, რომელიც თუ ერთი მხრით ტანჯაა, მეორე მხრით მსიარულება—ნეტა-რებაა, სხვას მიანდო. მაგრამ ნათლათ, საშინლათ ნათლათ იდგენდა დედა თავის შვილს იმ წუთს, რო-ცა ყმაწვილი სისხლში გაბასრული იატაკეს იატაკი-დან და პატარამ ტანჯული თვალეები დედისკენ გა-დაატრიალა, თითქო უსაყვედურებდა, რათ მომისპე ნორჩი სიცოცხლეო.

ქალი მოსვენებას ევრსად პოულობდა, სულით იტანჯებოდა, ბრანდებოდა, იქამდო ბოროტდებოდა,

რომ პაწაწას მტრულათ უყურებდა, იმის გაჩენის დღესა წყველიდა, თითქო გაფრენილი ანგელოზი რამეში ყოფილიყო დამნაშავე.

— რომ არ გამჩენოდა, მუცელში გამწყალებოდა, ეს უბედურება არ დამემართებოდა! გაივლებდა გულში გამწარებული.

ულმობელმა ცხოვრებამ შენათა ქალს თავისი სისხლ-მორეული თვალები და თავზარი დასცა.

ჯაგუეს ვერ შეეთვისებია ის აზრი, რომ კოწია აღარა ჰყავდა, რომ იმის პაწაწა გვრიტს დაეტოვებია ქვეყანაზე თავისი ბუდე და ზეცას გაფრენილიყო. არა ჯეროდა ეს... ეგონა, აგერ გავიგონებ ყმაწვილის ქუტუტუს, აგერ გამოიყვანს ძიძა და მომგერისო. დაეიწყებოდა და ოთანში ფეხ-აკრეფით შედიოდა, ბევრს ძილი არ შეუფრთხვოვო. გაახსენდებოდა ნამდვილი, წარმოუდგებოდა თვალ-წინ გისისხლიანებული პატარა და ალმური აუცილოდა სახეზე, ბრაზები მოერეოდა, უნებურათ ხელი ხანჯლისკენ მიჰქონდა, ტერ-ამღვრეულს უნდოდა მკერდი გაეპო ამ უბედურების თავხედი მომქმედისათვის; მაგრამ შეხედავდა თავის ნუშოს, თან თითქო გაცეცხულს, თან სედიანი ნუშოს, დანახავდა როგორ დაბეჩაფებულიყო, როგორ დაჩაგრულიყო ეს თავ-მომწონე შენება — და გული უკვდებოდა.

— ამ საწყალისა რა ბრალია? უბედური შემთხვევა იყო, უცაბედათ დატრიალდა საცოდ-ვობა, რა ნაირათ იტანჯება! გაფთხილება უნდა: თუ ესეც დაეკარგე, კაცს რომ წყალში წაღლი ჩაუფარდა და ცუდიც ზედ მიაყოლა, ისე მომივა. საწყალი! პირდაპირ ვერ შემოაუხებდია... გაიფიქრებდა ჯაგუ და უნდოდა ნუგეში ეცა მეუღლისათვის, უნდოდა მოხევეროდა. მიუახლოვდებოდა, მაგრამ სატრფოს მგეგრათ თავის კოწიას მკვლელს დანახავდა და სააღერსო სიტყვები პირზე ეყინებოდა, ნუგემის საცემლათ მომზადებული გული სიმკაცრით ინთებოდა, მოსახევენათ გაშლილი ხელი სამტროთ შეხებას ლამობდა.

იტანჯებოდნენ ცოლ-ქმარი, სევდა შემოწოლოდათ, სევდის გამქარებელი კი არავინა ჰყავდათ. მაგდა რომ ფეხზე ყოფილიყო, იქნება ცოტათი მანც დაეშუშნა იმათი წლული, იქნება სხვა რამ საგნისათვის მიექცია იმათი აზრი, იქნება გულის გადასაყოლებელი რამ მოეფიქრა, მაგრამ მაგდას თითონ გა-

კირებოდა თავი, თითონ იმას უნდოდა მიხედვა და პატრონობა; უკანასკნელ დღეში იყო. ხომ სულ ავთამყოფობდა, ზერა ქვერათ იყო, იმ გაზაფხულზე ძალიან დარია ხელი სენმა; უბედურ შემთხვევას შემდეგ ხომ მთლათ მოწყდა, ლოგინათ ჩავარდა. ექიმმა 'უთხრა ჯაგუს, სულ რამდენიმე კვირა-ლა იცოცხლებსო. მართლა მალე გადაიცეალა მაგდა და დაზარალებული ქალ-სიძე უფრო დააღონა.

გ. ბაჩნოვი.

(შემდეგი იქნება)

სახუმარო გასართობი

თათბირი მიომუსი, კოლასი და იმანიბასი

ქაჯეთის საღაშო როგორ აიღონ

მიომომ თქვა, ვიტყვი სიტყვასა, ვეჭვ ჩემი არ დამცდარი, ჩვენ ცოტანი ვართ, სხვები კი ბევრთაგან საომარია; იმათთან ბრძოლა არ ძალგვიძს, არ გვონებ საკვებარია? თუ სინილის დაეკითხეთ, სულ დაგვეხმება კარია.

კოლამ თქვა, გეტყვით თათბირსა, თქვენც იტყვით მოსაწონია, ცდა ბედის მონახვერვა, ესეც ხომ გავიგონია; ასი თუმანი მომეცით, ვითომც რომ არა გექონია!.. ფულების ძალა სხვა არის, ვინ არა დაიმონია.

რკინის ქალამანს ჩავიცვამ, წავალ, დაევილი დაბასა, ვისაც კენჭი აქვს, ბეს მიეცემ, მოგიტანთ მათგან ამბავსა, სხვა თათბირისა არ ვიცი, ვინ შემეცილოს ამასა?! არ შევისრულოთ, ფუ!.. მითხართ, ნურც მომცემთ ბანკში ალაგსა.

ივანიკამ თქვა: ჰე, კოლა, მოყვასნი არ გიჩივიან: ხელმარჯვეთ ჯოხის მქნეველსა, შენებრსა ვერვის იტყვიან. როს გაგვიჭირდეს, დასცხებდე, თმას სისხლნი შეუსერიდიან, შიში შეიქმს გამარჯვებას, მებრძოლნიც ასე ქმნიდიან.

ამას კი გეტყვიო თქვენი ვსტან, მე გმირთა მეტი
 გმირობა!
 ეგ ერთგულება მაკვირებს, გკონიათ ერთი პირობა;
 ვიცე, გწადთ მტრისა სიმარცხე, მაგრამ რას იტყვის
 ზრდილობა!..
 გავცრუვდეთ და დაგვამარცხოვნ, პარტიამ იწყოს მცი-
 რობა.

საერთო-თ ასე დასკვნებს, კენჭი ვიშოვნოთ სუთასი;
 ახლავე კოლა გავგზავნოთ, რომ დაუროგოს მათ თასი;
 ვინც ახლა გამომადგება, იქნება ჩემი იმა ისი;
 მაგრამ ვინ იცის, რას იზამს, იგი წყეული ივნიო.

გ—ი.

თბილისის ქალაქის საბჭო

ამით აცხადებს იმ პირთა საყურადღებოთ, რომ
 მელოთაც სურთ იჯარათ აიღონ ბეტონის წყლის მი-
 ლების გაკეთება: 1) პირველი ნაგორნის და ვიწრო
 ქუჩებზე (თბილისის მეორე პოლიციის განყოფილე-
 ბაში) ძველი არსენალის ქუჩიდან დაწყებული. 2)
 გრიბოულვის ქუჩაზე (თბილისის პირველ პოლიციის
 განყოფილებაში) ა. ტურონოვსკის სახლიდან დაყე-
 ბული ნაბერძენის ქუჩის (მეცხრე პოლიციის განყოფი-
 ლებაში) მილთან შეერთებამდის.

ვაჭრობა დანიშნულია 8 ივნისს დღისით 12
 საათზე. ამ ვაჭრობის პირობების შეტყობა შეიძლე-
 ბა საბჭოს ტენიკურ (строитель.) განყოფილებაში
 ყოველ დღე დღის ათი საათიდან შუადღის ორ
 საათამდე.

(3—2)

ქუდაჭკლახ-გამაგრებული ახ. თ.-წუტყთღისა.

გ ა ნ ც ხ ა დ ე ბ ა

წერა-კითხვის გამავრცელებელ საზოგადოების წიგ-
 ნის მალაზიაში იქილება

ბ ი უ ს ტ ე ბ ი

გ ა გ რ ი ე ლ ე პ ი ს კ ო პ ო ზ ი ს ა

ფასი 1 მან. 40 კაპ.

დაიბეჭდა და იყიდება

წერა-კითხვის გამავრცელებელ საზოგადოების გამოცემა
 № 27

ოქროს მოყვარულები

მოთხოვნა ცშოკესი

გადმოღებულ

ელენე ვარკეთილის მიერ

ფასი 15 კაპ.

(10—2)

გამოვიდა № 5 „ჯეჯილი“ (მანისის) და დათრიგდა ხელის მოამწერლებს.

კ ბ ი ლ ი ს ე ქ ი მ ი

ვ . ი . ქ ი ქ ი ნ ა ძ ე

20 ივნისიდან მიიღებს ავთამყოფებს ახალ სადგომში. ნიკოლოზის ქუჩა, ე. საგინა-
 შვილის სახლი, № 21, სადაც „ივერიის“ რედაქციაა.